

齊乘卷之六

益都于欽思容纂

人物

齊記補載漢少翁晉石崇云崇父苞爲青州刺史生崇于臨淄小字齊奴夫崇貪財賈禍至死不悟今流俗之弊正坐此失苟得而不顧義務積而不務用財之所在骨肉以之而離良心由是而死崇蓋守錢虜之作俑者齊自太公之後管晏諸賢聖門高弟與夫漢世大儒鄭康成諸公三國人才之冠琅邪諸葛高節蓋世北海管寧此而不書顧彼之取何其謬哉至于神仙高尚之流魯連安期豈不偉歟少翁之徒罔

齊乘

卷之六

一

上被誅何足算也故曰人物非賢才不書此之謂也抑嘗論之人才之多寡繫于教養之當否三代以學校養士迨乎春秋戰國之際賢俊不可勝用皆周之遺才也漢尚經術光武明章益崇儒學幾復三代故漢世人才之多獨不愧古翦于黨錮裂于三國名節愈厲英豪迭出皆漢之遺才也降及隋唐始以詞章取士教養之道劣于古昔人才浸微唐初惟齊州房元齡宋惟益都王曾爲齊士稱首較于兩漢則不及矣以此卜之則知教養之道不可不當其餘則各訂于後云

太公 後漢志琅邪西海縣太公呂望所出有東呂鄉

廟舊在臨淄西營邱宋碑存焉冢在縣南十里與頃  
公冢相近愚按檀弓曰太公封于營邱比及五世皆  
反葬于周註謂太公受封畱爲太師死葬鎬京五世  
獻公以上皆從葬焉則齊無太公之墓或曰齊人思  
其德葬其衣冠云路史云名涓字子牙汲人

桓公 舊與太公同廟齊自太公爲世胙之祖桓公爲  
五伯之宗威王亦戰國賢主然以篡立義不敢取餘  
無可稱者

仲山甫 太公之後爲宣王冢宰兼太保王命築城于  
齊尹吉甫作烝民詩以送之

管仲 本穎上人齊相墓在臨淄南牛山之阿見史記正義

卷之六

二

晏平仲 萊之夷維人故宅在臨淄小城北門卽左傳  
近市宅也墓亦在焉

成覿 齊人謂景公曰彼丈夫也我丈夫也吾何畏彼  
哉可謂志士

鮑叔 墓在滕州北十五里 甯戚 墓在膠水縣西  
隰朋 東郭牙 弦寧 王子成甫 新序曰管

仲請于桓公以甯戚爲田官隰朋爲大行東郭牙爲  
諫臣王子成甫爲大司馬曰君欲治國強兵此五子  
足矣如欲伯王則夷吾在有司請吏公曰以告仲父  
又請公曰以告仲父如是者三在側曰一則仲父二  
則仲父易哉爲君公曰未得仲父則難已得仲父何

爲不易桓公與羣臣飲酒謂鮑叔曰姑祝寡人鮑叔奉酒起而祝曰君無忘其在莒也管仲無忘束縛從魯也甯戚無忘飯牛車下也桓公避席拜曰寡人與大夫皆無忘夫子之言社稷必不廢矣

麥邱邑人 祝桓公無得罪于羣臣百姓者

郭墟野人 謂郭公善善不能用惡惡不能去所以亡者桓公賞焉

小臣稷 桓公曰士傲爵祿者輕其主主傲霸王者輕其士吾敢傲霸王乎五往始得見稷

石他人 陳恆弑簡公不肯盟而自殺又有子淵棲者恆以勇士劫之亦不從二人竝見新序

齊乘

卷之六

三

國成子高 齊大夫擇不食之地而葬見檀弓又有國昭子春秋有國書國佐皆其族也

陳文子 名須無齊大夫

齊太史 昆弟三人書崔杼弑君者左氏逸其姓名惜哉

徒人費 死襄公之難又有石之紛如孟陽皆襄公小臣亦死節

高柴 史記作鄭人家語曰齊人高氏之別族墓在沂州向子城側

公冶長 家語魯人史記齊人集註兩存之

樊遲 家語魯人史記齊人

陳亢 家語作陳人愚按檀弓亢乃齊大夫陳子車之弟疑是齊人

梁鱸 家語齊人

步叔乘 史記齊人

公哲哀 家語齊人鄙天下多仕于大夫家者故未嘗屈節其亦汶上之亞歟墓在般陽城北

后處 史記齊人

右八人聖門弟子

公孫丑 滕州北公村有墓

萬章 滕州南萬村有墓

右皆齊人孟子弟子餘見鄒廟從祀

齊乘

卷之六

四

滕文公 滕州有廟

蚺鼃 齊士師以孟子言諫齊王不用而去

匡章 齊人孟子禮貌之必有所取故集註云衆惡必察可見聖賢至公至仁之心

檀子 盼子 黔夫 種首

威王臣四子將照千里見通鑑

淳于髡 齊稷下學士髡衍輩七十餘人餘不取者大  
學衍義曰孔子沒異端遂作鄒衍淳于髡田駢之徒  
各著書以干世主不可勝紀申不害商鞅其害尤甚  
孟子所深距者惟楊墨二氏程子所謂楊墨之害甚  
于申韓佛老之害甚于楊墨然則衍輩亦異端之流

髡獨知尊孟子稱之曰夫子又一日而見七人于宣王差賢于諸子故取之或曰均異端也申韓則不闢而廢楊墨距之而熄佛老則闢而愈熾何邪蓋異端至佛老而極道至後世而晦如人元氣既衰痼疾可得療乎然闢之而不廓者其說有二夫鬼神祭祀之禮聖人所先制緣人情理明儀備迨戰國以降盟詛相持鬼神之理不明事鬼之情愈切佛氏乘之怖以死生誘以禍福凡古人之敬事鬼神齋戒禱祠報本祈福之意一歸于佛廣大包羅驅世有情信之事之此雖麤迹而勢不可廓聖賢有不動心之學世儒多務外馳于利害怵迫之餘見佛氏之堅定則灑然心

齊乘

卷之六

五

服謂道在頓省之間不知吾道自有此理體用尤精舍己耘人往往皆是此爲精微其理亦不易辨麤以籠愚精以釣賢非復三代之治而欲決此疾猶以杯水救輿薪之火也其熾宜矣

閻丘印 年十八求仕于宣王王曰士亦華髮墮顛而後可用子年稚未可也印曰尺有所短寸有所長華髮墮顛與臣何異宣王用焉

香居 諫宣王爲大室者

王斗 皇甫士安高士傳齊隱士

黔婁子 齊隱士守道不詘威王師之

王蠋 臨淄畫邑人墓在愚山西

王孫賈 齊大夫奉母訓誅淖齒者

田單 臨淄人

愚按蠋以布衣死節賈以一夫討賊單之功偉矣所以勵齊人之氣未必非二子也故先之

孫武子 濰州昌邑縣北海濱有廟武孫臏齊軍師

司馬穰苴 並齊人

顏蠋 齊人晚食以當肉東坡所謂巧于貧者

子奇 齊人十八爲阿邑宰出倉廩以賑貧乏邑內大

化見說苑

無鹽女 齊人姓鍾離名春宣王后

宿癩女 齊東郭采桑女閔王后竝列女傳

齊乘

卷之六

六

貫珠人 諫齊王怒田單者

太史敫 莒人君王后父敫曰女不取媒自嫁汚吾世終身不見余謂後世外戚如楊國忠之流求通房闈不遺餘力敫真有守哉

雍門司馬 諫王建者惜逸其姓名

荀卿 少游學于齊三爲稷下祭酒避讒適楚春申君以爲蘭陵令

田文 齊靖郭君田嬰子

田橫 元和志海州東海縣北五十七里有田橫國卽

田橫島

魯仲連 齊人

安期生 東郭先生 梁石君

右三人皆齊處士見蒯通傳安期又見列仙傳云琅邪阜鄉人賣藥海邊人言千歲翁始皇賜金璧棄去不受畱書報曰後千歲求我蓬萊山下 欽按神仙之說六經所無原於老子元牝抱一之論秦漢間怪迂之士設爲夸大之言以徼當世多欲之君至有封侯尚主貴震天下如文成五利之徒終以詐誅故後世談仙者率歸誕妄至紫陽朱夫子以明理盡性之學會古今諸家而折衷之以爲仙者匪難但偷生爲不可見于感興之詩又隱名而校叅同至取遠遊王子之言以爲長生久視之要訣何也蓋仙者必有大

齊乘

卷之六

七

賢明睿之資精察造化純一不離如釋氏之慧定又得明師訣其火藥毫釐不差根氣清厚福如王者庶幾有成也成謂能長久雖與天地同弊亦不能不散也 觀安期之策撼項羽魯連之輕世肆志陳希夷之不帝而隱槩乎其人下此則山林枯槁之徒嗇氣葆精差可少病以待天年冀其竊化機以出宇宙萬無一焉雖使紫陽復生亦必道還汝具一隻眼也

秦淳于越 齊人諫始皇曰今陛下有海內而子弟爲匹夫卒有田常六卿之患何以相救事不師古而能長久者非所聞也始皇下其議爲李斯所絀

茅焦 齊人諫始皇遷母者司馬溫公有言風俗天下

之大事也於茅焦亦見之矣自三代有殺身成仁之教至于戰國習以成風義之所在蹈死如歸秦起而力禁之誹謗者族偶語者棄市至戮諫者二十七人而茅焦猶諫蓋由當時風俗驅之見義而不見死故也秦能因俗以治三代可及必欲峻刑變俗以自蹙亡至于後世傷一諫臣沮一言者則天下從風而靡亦薄俗使然也

漢四皓夏黃公 留侯世家註云夏黃公姓崔名廣字少通齊人

蓋公 膠西人

婁敬 齊人通典曰齊俗人情變詐故高帝詈婁敬曰

齊乘

卷之六

八

齊虜以舌得官夫敬料匈奴匿兵爭利智也勸帝勿擊忠也高祖不從致有白登之困高祖失言敬何詐之有

叔孫通 辭人

伏生名勝 濟南人墓在朝陽故城東五里見水經

東方朔 平原人

鄒陽 齊人傳有王先生公孫攬皆齊之智士故陽曰

鄒魯守經學齊楚多辯智韓魏時有奇節而辯智者流于詐也

轅固 齊人漢武始好儒迂仲舒疾轅固公孫達于前

張禹孔光顯于後西漢風俗不美良有以夫

鄒長倩 菑川人遺宏書曰公孫宏以元光五年爲國士所推上爲賢良國人鄒長倩以其家貧少自資致乃解衣裳以衣之釋所著冠履以與之又贈以芻一束素絲一襪撲滿一枚書題遺之曰夫人無幽顯道在則尊雖生芻之賤也不能脫落君子故贈君生芻一束詩人所謂生芻一束其人如玉五絲爲緝倍緝爲升倍升爲緘倍緘而爲紀倍紀而爲纓倍纓而爲襪此自少至多自微至著士之立功勲効名節亦復如之勿以小善不足修而不爲也故贈君素絲一襪撲滿者以土爲器以蓄錢貝其有入竅而無出竅滿則撲之士羸物也錢重貨也入而不出積而不散故

齊乘

卷之六

九

撲之士有聚斂而不能散者將有撲滿之敗可不誠歟故贈君撲滿一枚猗歟盛哉山川阻修加以風露次卿足下勉作功名竊在下風以俟嘉譽欽纂齊乘凡書傳所通習如景公登牛山杞梁黔敖之類則不詳載如此篇者蓋西漢奇文世所罕見且其積絲之喻撲滿之戒實古今之格言最有益于學者故備載焉宏開館延賢鄉有二奇士皆不知引之則所延者果何人哉此其有以爲詐人也

撲滿吳人名曰藏瓶次卿宏字漢書弗載

公孫宏 菑川人開東閣以延賢人亦足以爲百世宰

相之師故載

路史淄州南四十里大辭山宏生處

兒寬 千乘人御史大夫

嚴安 臨淄人騎馬令

終軍 濟南人諫大夫墓在臨淄南牛山之西地名終村又歷城南九十里有終軍村

王訢 濟南人代田千秋爲丞相封宜春侯

淳子意女緹縈 臨淄人

䟽廣䟽受 蘭陵人

于公 子定國丞相西平侯

匡衡 東海承人御史大夫

蕭望之 蘭陵人關內侯

王吉 字子陽琅邪臯虞人貢禹同鄉史稱王陽在位

貢禹彈冠言其取舍同也然吉爲宣帝言曰欲治之

齊乘

卷之六

十

主不世出公卿遭遇其時未有建萬世之長策舉明主于三代之隆者也其務在于期會簿書斷獄聽訟而已此非太平之基也甚欲有所匡建與賈誼仲舒之意同宣帝乃以爲迂禹爲元帝言曰廐馬萬匹宮女數千園陵郡國廟皆當滅毀務遵儉約元帝悉納用其言蓋圖遠大者難爲功舉細務者俗易從二人所見如此惡在其爲取舍同也善乎司馬溫公論曰孝元優游不斷讒佞用權當時之大患禹不以爲言恭謹節儉孝元之素志禹孜孜言之何哉使禹之智不足知惡得爲賢知而不言其罪大矣余故黜禹以爲人臣泛言塞責者之戒

諸葛豐 琅邪人司隸校尉孔明祖

田何 齊人以諸田徙杜故號杜田生守道不仕惠帝  
幸其廬以受業爲易者宗見高士傳

儒林傳 易自田何後有琅邪人魯伯邴丹王橫諸縣  
人梁邱賀父子東萊人費直 書自伏勝後有千乘  
人歐陽生子孫世學兒寬師也濟南人林尊齊人周  
堪 魯詩自浮邱伯後有琅邪王扶 齊詩自轅固  
後有琅邪人大司馬師丹皮容 韓嬰詩有淄川人  
長孫順三詩後世皆亡毛萇詩又得鄭康成箋行于  
世 大戴禮琅邪人徐良 公羊胡母生之後有琅  
邪人王中公孫文東門雲筦路左咸淄川任公 穀

齊乘

卷之六

十一

梁有不其人房鳳皆齊人明經而伏生諸儒已載前  
論不復出焉

鄭崇 高密大族哀帝擢爲尙書僕射納用其言每見  
喜曰我識鄭尙書履聲諫寵董賢浸疏之責崇曰君  
門如市何以禁切主上崇對曰臣門如市臣心如水  
上怒下獄死

眭宏 蕃人以明經爲議郎至符節令元鳳三年上書  
被殺孝昭徵其子孟爲郎

顏安樂 薛人眭孟姊子積學至齊郡丞

母將隆 蘭陵人京兆尹執金吾王莽秉政以隆少時  
不肯與交誣以罪免官徙合浦

鮑宣 渤海人司隸以忠直爲王莽所殺妻桓少君

栗融 禽慶 蘇章 辭方

四人皆齊隱士去官不仕王莽見鮑宣傳

逢萌 都昌人學長安王莽殺子宇萌曰三綱絕矣不去禍將及人卽解冠掛東都門隱勞山光武徵不起又有同郡徐房王君公與萌友善亦隱遯不仕君公僧牛白晦時人語曰避世牆東王君公或曰兩漢人才首蓋公與逢萌豈有意乎應之曰先輩有言能令漢家重九鼎桐江波上一絲風又曰世祖功臣三十六雲臺爭似釣臺高此之謂也萌墓在北海縣西南營陵城中

齊乘

卷之六

十二

伏湛 琅邪東武人伏生九世孫傳經學仕至司徒清靜無競東州號曰伏不鬪子隆死節兄子恭傳齊詩王良 蘭陵人王莽時寢疾不仕光武徵拜大司徒司直在位恭儉布被瓦器

衛宏 臨沂人序毛詩訓古文尙書光武拜議郎作漢舊儀載西京雜事傳于世

吳良 議郎

江革 世稱江巨孝竝臨淄人

劉寵 東萊人號一錢太守姪劉繇漢末揚州刺史

曹褒 辭人明慶氏禮博物識古爲儒者宗

寒朗 辭人爲明帝辯楚獄者

侯史光 掖縣人散騎常侍與皇甫陶等持節循省風

俗還奏事稱旨遷少府卒家貧賜錢以葬

趙彥 琅邪人勸宗資發五陽郡兵從孤虛推遁甲破

徐兗羣盜

鄭康成 大司農高密人宋封高密伯

滕撫 北海劇人涿令破東南羣盜者

王望 琅邪人青州刺史擅發廩賑饑者

淳于恭 北海淳于人以孝義徵爲郎

童恢 琅邪姑幕人循吏

周璆 樂安人

陳蕃傳

公沙穆 膠東人明經舉孝廉遷郾相

齊乘

卷之六

十三

承宮 琅邪姑幕人中郎將明春秋

司馬均 東萊人隱居教授誠信行乎鄉里爭曲直者

輒曰敢祝少賓乎心不直者終不敢少賓均字祝詛也

牟融 太尉 郎顛 明京房易

周澤 甄宇 二人皆博士明公羊傳

孫嵩 五人竝安丘人嵩安丘有墓

徐苗 淳于人累世相承皆以博士爲郡守

諸葛武侯 琅邪人

孫乾 北海人事昭烈爲秉忠將軍

禰衡 平原人文士才辯性多傲忽傲其儕輩而已衡

敢罵辱曹操有威武不挫之志文人相輕者愧衡多矣

魏徵士管幼安 北海朱虛人

邴原 幼安同郡人魏丞相徵事

王烈 亦北海人漢末三人皆適遼東依公孫度以避亂度安其賢民化其德

國淵 任嘏 竝樂安人康成弟子俱仕魏

王修 北海營陵人魏青州別駕母社日亡悲感鄰里爲罷社

任旄 樂安博昌人黃巾賊到博昌聞旄姓名曰夙聞任子旄天下賢士那可入其鄉

齊乘

卷之六

十四

王基 東萊曲城人魏征南將軍

諸葛誕 琅邪人揚州督起兵討司馬昭不克而死

吳太史慈 東萊黃人建昌都尉孫策曰聞君爲太守劫州章赴文舉詣元德皆有義烈天下智士也

諸葛瑾 琅邪陽都人吳豫州牧孔明族弟吳志曰葛氏本諸人徙陽都陽都先有姓葛者故時人謂之諸葛

徐盛 莒人吳安東將軍

是儀 營陵人吳尚書僕射

滕允 劇人吳都亭侯

晉羊祜 泰山南城人南城久廢地屬費縣祜費縣人

也上征吳策唐彬乃鄒人

司徒王導

臨沂人

南史宏融曇首儉僧  
虔泰志筠彬皆導族

劉毅

東萊人尚書僕射謂晉武爲桓靈者

任愷

博昌人侍中

光逸

樂安人八達

解系

濟南人守正不阿爲趙王倫所殺

伏滔

安邱人太元中拜著作郎專掌國史領本州大

中正子系之亦有文名

繆播

蘭陵人晉懷帝中書令掌詔命盡忠爲國爲東

海王越所害朝野憤惋曰善人國之紀也而加害焉

其能終乎越死贈衛尉

齊乘

卷之六

十五

王尼

城陽人不拜東海王越越問之對曰公無宰相

之能是以不拜

劉允

掖縣人避亂依冀州刺史邵續續欲降石勒允

勸續歸晉元帝以允爲丞相參軍仕至江州刺史

王羲之

司徒導從子余按晉室清談王謝不能免羲

之獨不爲流俗所移觀其止殷浩北伐之書對謝安

登冶城語真豪傑之士哉使其得君王謝不足多後

世徒以書札掩其器識故朱子惜之

劉超

琅邪人蘇峻遷帝于石頭猶啟帝受經者

顏舍

琅邪人

劉敏元

北海人忠義傳

徐邈 姑幕人儒林傳

左思 臨淄人作齊都及三都賦

石坦 劇人無居業不娶妻弔喪會葬同日共時處處

見之姚萇之亂莫知所終蓋異人也

王隱  
晉書

秦王猛 劇人孫鎮惡宋史有傳孫憲後魏并州刺史

北海公清身率下北史有傳九子世號九龍子晞曰  
非不愛作執官但思之爛熟耳亦名言也或曰先儒  
謂孟子以後人物惟有子房孔明魏晉以降張賓崔  
浩皆比子房王景略則謂如諸葛數子優劣果何如  
也愚曰孟子王佐之才使值炎劉之奮未必屑漢庭  
功業諸公皆功名士也故以才智相方不大相遠就

齊乘

卷之六

十六

其出處進退觀之則有閒矣浩事暴君以殺身竇贊  
羯勒以傾晉景略視二子爲優比之諸葛則不能無  
愧嗚呼天下英才不遇者多矣幸而成功不一二數  
也景略之儔容可棄乎

南燕晏謨 臨淄人撰齊記晉載記曰南燕主慕容德  
登營邱問謨以齊之山川邱陵賢哲舊事謨歷對詳  
辨畫地成圖德深嘉之拜尚書郎德又因饗宴乘高  
遠矚顧尚書魯邃曰齊魯固多君子當昔接慎巴生  
淳于鄒田之徒蔭修簷臨清沼馳朱輪佩長劍恣非  
馬之雄辭奮談天之逸辯指麾則紅紫成章俛仰則  
邱陵生韻至于今日荒草頽墳氣消烟滅永言千載

能不依然

元魏賈思伯 益都人弟思同俱好經史思伯仕至都  
官尚書謙恭下士人曰公今貴重寧能不驕思伯曰  
衰至便驕何常之有世以爲雅言思同仕至侍中今  
壽光南有墓碑

唐永 北海平壽人後魏北地良將性清廉無蓄積妻  
子不免飢寒二子陵瑾皆儒雅知名次子瑾宇文周  
賜姓万紐于氏

王宏 臨沂人隱會稽釣魚采藥謝靈運顏延之竝相

欽重

沈約  
宋書

王素 琅邪人隱東陽山山中有蜺蟲聲清而形醜作

齊乘

卷之六

十七

賦以自況

齊任昉 博昌人博學能文

明僧紹 平原人初隱勞山弟慶符以青州刺史罷任  
隨歸隱江東齊太祖稱爲外臣

孟喜 蘭陵人父孟卿父子並傳禮易

臧榮緒 莒人撰東西晉紀與關康之俱隱京口時號

二隱

顏見遠 琅邪人南齊御史中丞蕭衍殺齊主見遠死  
之子協孫之推皆知名

諸葛璩 琅邪人齊梁徵辟皆不就隱居教授妻子不  
見喜愠之容

梁孫謙 東莞人循吏

劉駱 東莞人撰文心雕龍

伏曼容 密州人臨海武昌太守解易詩論語老莊

隋隱士徐則 郊人隱縉雲山絕粒養性

杜松贊 北海人大業末賊攻北海執松贊使諭城降

松贊罵賊而死

張軌 臨邑人與樂安孫樹仁爲莫逆交每易衣而出

以此見稱西魏恭帝時除隴右府長史卒家無餘財

惟有書數百卷

張買奴 平原人高齊太常博士北史儒林傳云買奴

經義該博門徒千餘人諸儒咸推重之尤精服氏春

齊乘

卷之六

十八

秋又云自晉杜預註左氏預元孫坦坦弟驥在宋竝

爲青州刺史傳其家業故齊地多習之

孫益德 樂安人其母爲人所害益德童幼復仇不避

魏孝文后特免之見北史孝行傳

又北海王閭數世同居有百口見節

義傳

苟金龍妻劉氏 平原人苟爲梓潼太守疾病賊圍城

劉氏代帥將士拒戰賊奪水城中渴甚劉仰天號訴

得雨以衣服懸絞取水卒完城北史烈女傳

宋劉穆之 東莞人左僕射

臧燾 莒人兄子質守盱眙拒魏太武者

徐廣 東莞人撰晉紀

顏延之 琅邪人作五君詠

段文振 北海人諫煬帝寵突厥者

唐房元齡 齊州人墓在濟南東南采石山

秦叔寶

羅士信 竝歷城人濟南府城中有羅姑井相傳士信

故宅

段志元 臨淄人房秦段皆凌烟功臣志元孫文昌仕

至太尉文昌子成式太常少卿竝有才名

馬周 荏平人

杜伏威 章邱人大業末據淮南歸唐封太子太保兼

行臺尚書令

齊乘

卷之六

十九

任敬臣 棣州人五歲喪母哀毀天至問父曰何以報

母父曰揚名顯親可也乃立志從學舉孝廉虞世南

器其人薦爲宏文館學士終太子舍人

員半千 齊州全節人武陟尉歲旱勸令發粟賑民令

不從及令謁州半千悉發之下賴以濟刺史怒囚半

千于獄會薛元超持節度河責刺史曰君有民不能

恤使惠出一尉尚何罪釋之後仕至太子諭德封平

原郡公

或問先賢行蹟例多不載惟賑恤一事自子奇王望

半千三人皆詳書之何也對曰欽聞富鄭公不言使

遼之功至知青州活饑民五十餘萬自謂賢于中書

二十四考此豈細務哉延祐六年己未齊地大饑父子相食欽銜命賑恤濟南六縣泊漭竈饑民嘗以勸率富民出粟太多賑濟太廣見責于憲府時官僚有幸此凶歲捐斗升以鬻子女舉曰過房悉輦以北欽則訪鬻子者爲贖還之乃怒曰是違例徼譽也欽憤鬱久矣無從發之故于三子之事不自知其筆之瀆也嗚呼董煇有言人微無肯信其言官小莫能行其志微子墨卿吾誰與言歟

顏魯公 兄杲卿並琅邪人

刺史蔣欽緒 萊州人與沂州蕭至忠姻家戒至忠曰君材不患不見用患非分而求耳至忠果附太平公

齊乘

卷之六

二十

主預禍

崔融 齊州人鳳閣舍人諸孫多顯宦

符令奇 臨沂人田悅反死節

張允濟 北海人循吏

顏師古 臨沂人註漢書其敘例諸家名氏有琅邪伏

儼北海劉德皆漢末註班書者因附見云

王仲邱 琅邪人明禮

王希夷 滕人爲人牧羊取傭以葬親隱徂徠山元宗訪以道義授朝散大夫聽還山

郭虔瓘 歷城人右驍衛將軍兼北庭都護戰功甚多

王無競 東萊人監察御史臨朝斥宰相宗楚客偶語

左遷太子舍人

高適 渤海人諫議大夫忤權近出刺蜀年五十始爲  
詩卽工

高沐 渤海人貞元中進士李師古辟署判官師道叛  
沐以誠款結天子爲師道所殺

盧惟清妻徐氏 淄州人惟清貶播州會赦徐迎惟清  
至荊州聞惟清死二奴將劫徐歸下江徐數其罪奴  
不敢逼徐倍道至播州得惟清尸還葬齊澣高其節  
作詩頌之

崔信明 益都人秦川令吟楓落吳江冷者

五代王凝妻李氏 青州人斷臂者

齊乘

卷之六

二十一

石昂 臨淄人昂讀書好學不求仕進節度使符習高  
其行召爲臨淄令人朝以公事謁監軍楊彥朗贊者  
以彥朗家諱石更其姓曰右昂昂責彥朗曰內侍奈  
何以私害公昂姓石非右也彥朗大怒昂卽解官去  
語其子曰吾本不欲仕亂世果爲刑人所辱

邊鳳 濱州人五世同居無異爨天子旌其門復其家

又王陶密州人數世  
同居五代史孝友傳

王師範 青州人

歐陽子曰孟子謂春秋無義戰予謂五代無全臣其  
仕不二代者以國繫仕非一代者作雜傳夫人于雜  
誠君子之所羞而一代之臣未必皆可貴欽按五代

名節李氏尚矣青州五臣惟石昂有孝節稱疾辭祿及節度使王師範爲可取其餘皆不足貴也史稱師範好學以忠義自許爲治有聲績朱溫圍鳳翔師範見詔書泣曰吾屬爲帝室藩屏豈得坐視天子困辱雖力不足當死生以之遂起兵討溫求助于楊行密斬朱友寧于青州及淮南兵歸力不能支遂降溫爲其所族嗚呼師範欠兵敗一死耳原其本心非朝梁而暮晉者故綱目特書曰平盧節度使王師範發兵討朱全忠又曰王師範以淮南兵擊朱友寧斬之曰討曰斬則與之之意可見矣況其處死不亂又毅然丈夫哉汨之雜傳則其志亦可哀也已故特表而出

齊乘

卷之六

二十二

之

南唐韓熙載 青社人五代之亂熙載投南唐累官至中書侍郎多置妓妾晝夜歌舞謂僧德明日吾爲此行正欲避國家入相之命僧問其故熙載曰中原常虎視于此一旦真主出棄甲不暇吾不能爲千古笑端初熙載之走江南也李穀送別各言所志熙載曰江南果相我當以長驅定中原穀曰中原若相我下江南如探囊中物穀後相周世宗定江南而熙載之言不驗胡氏以爲熙載文士高談非穀沈毅有智略之比是故然已使世宗唐主易地而君熙載豈無能爲者知時不可爲而能沈晦以免禍其智亦足稱也

繁欽于劉表數欲見奇杜襲喻之而止李驥爲劉崇所殺至有吾負經濟之才乃爲愚人謀事死固有甘心之歎然則熙載其賢乎

孫晟 密州人南唐宰相周世宗征淮南唐遣晟使周晟謂其副曰吾行必不免然終不負永陵一抔土後爲世宗所殺正其衣冠南望拜曰臣以死報國乃就刑

宋傅霖 青州逸人乖崖稱曰傅先生天下士

王曾 益都人狀元丞相文正公弟皞字子融直集賢院初新舊五代史皆不與韓通立傳識者笑之皞著唐餘錄有紀志傳又博采諸家說倣裴松之三國志

齊乘

卷之六

二十三

附註于下表韓通于忠義傳冠以宋初褒贈之典新舊史皆所不及文正嘗言曾平生之志不在溫飽皞器識若此可謂難兄難弟矣

蔡齊 萊州人狀元參政文忠公

呂夷簡 萊州人丞相文靖公六世孫伯恭號東萊先

生 宋會要濱州有夷簡祠公通判濱州奏不稅農器王曾知其有相業

王從善 青州人太宗雍熙二年始踰冠九經及第見長編

李之才 青州人師穆伯長傳陳希夷先天易嘗謂邵康節曰科舉之外有義理學義理之外有物理學物理之外有性命學康節曰願受教遂傳易學

麻希夢 前青州錄事參軍年九十餘居臨淄太宗以高年詔至闕詢及人間利害敷對詳明訪以養生之理對曰臣無他術惟寡情慾節聲色薄滋味詔以尙書工部郎中致仕賜金紫子景孫興國中登進士甲科孫溫其溫舒祥符中相繼第三人及第衣冠以爲盛事天下稱麻氏教子有法 孫仲英 幼有俊才七歲能詩以親亡祿不及養不復肯仕退居臨淄七里別墅博學高行鄉黨化服雖凶年盜不入其家富韓公文潞公龐莊公相繼鎮青皆致書幣薦其行義詔以爲國子四門助教州學教授東方學者咸師之亦年九十餘卒

齊乘

卷之六

二十四

賈先 臨淄人登進士真宗賜名同改字希德以扶道著書爲己任著山東野錄七篇頗類孟子奏疏言丁謂造作符瑞以誣皇天以欺先帝今幸謂姦發竄逐請明告天下還寇萊公以明忠邪終以孤直不偶官止殿中丞卒門人諡曰存道先生

王樵 字肩望淄川人性超逸深于老易善擊劍有槩世之志廬梓桐山下不交塵俗山東賈同李冠皆尊仰之咸平中契丹內寇舉族北俘累年乃歸刻木爲親葬灸山東立祠奉侍終身太守劉通詣樵踰垣遁去其後高弁知州事范諷爲通判相與就見之李冠以詩寄之曰霜臺御史新爲郡棘寺廷評繼下車首

謁梓桐王處士教風從此重詩書晚自號贅世翁豫  
卜地壘石名繭室刻銘其上曰生前殺軀以虞不備  
沒後寄魂以備不虞後感疾卽入繭室中自掩戶乃  
卒命以古劍殉葬著遊邊集二卷安邊三策說史十  
篇濟南李芝爲贅世先生傳治平中淄川詩僧文幼  
卽其地起祠祠樵其爲世景慕如此

劉孟節 壽光人少師种放天姿絕俗篤古好學酷嗜  
山水青之南有冶原歐冶子鑄劍之地山奇水清叢  
筠古木氣象幽絕孟節欲隱其間富韓公爲築室泉  
上詩以餞之曰先生已歸隱山東人物空其後范文  
正公文潞公皆優禮之欲薦之朝孟節懇辭少時嘗

齊乘

卷之六

二十五

寓龍興僧舍往往凭欄獨立懷世事手拍欄干吁唏  
太息有詩曰讀書悞我四十年幾回醉把欄干拍見  
司馬溫公詩話

張荷 壽光人師事种放與吳遁魏野楊朴宋解爲友  
性高潔爲文奇澁著過非九篇放謂隋唐以來綴文  
之士罕能及之終以連蹇不遇卒有詩文三卷見澠  
水燕談

蘇丕 青州人祖德祥建隆四年狀元丕有高行少時  
一試禮部不中拂衣去居洱水之濱五十年不踐城  
市歐陽文忠公鎮青言于朝賜號冲退處士年八十  
餘卒

周起 鄒平人母感吉夢而生父異之謂必大其門因名曰起第進士通判齊州召直史館真宗東封羣臣多獻文頌起獨上書言天下之勢患于安逸而忽于兢業真宗嘉之拜諫議大夫終樞密副使

劉庭式 齊州人蘇軾知密州庭式爲通判初庭式未遇時約取鄉人之女及第後女喪明庭式卒娶之女死喪之踰年而哀不衰因不復娶軾問曰哀生愛愛生色君愛何從生哀何從出庭式曰吾知喪吾妻而已若緣色生愛緣愛生哀色衰愛弛吾哀亦忘則凡揚袂倚市目挑而心招者皆可以爲妻邪軾深感其言庭式後監太平觀老于廬山絕粒不食而面目奕

齊乘

卷之六

二十六

奕有光步峻坂如飛以壽終

姜遵 淄川人初舉進士爲蓬萊尉以擊搏知名天聖七年拜樞密副使卒贈吏部侍郎

明鎬 密州人參知政事與文彥博同時

李常 字公擇登州人知齊州齊多盜常得黠盜刺爲兵置麾下詢知弭盜之術姦無所容嘗爲富鄭公客李師中榜其間曰遺直坊東坡有詩

燕肅 字穆之青州人龍圖閣待制知審刑院請讞諸路冤獄有不當者釋其罪自是全活者衆肅有巧思嘗造指南車記里鼓及敲器蓮花漏世服其精

趙師民 字周翰臨淄人九歲能文第進士官至龍圖

閣直學士子彥若哲宗時翰林學士紹聖初章惇以彥若與修神宗實錄貶死

李覺 字仲明益都人舉九經起家知泗州遷禮記博士

賀元 琅邪人真宗東封謁于道左曰晉水部員外郎賀元再拜東坡記詩云舊聞父老晉郎官已作飛騰變化看聞道東蒙有居處願供菽水看燒丹蓋仙人也

雪竇禪 居琅邪山身被布衫五十年不易向薊林嘗爲青州雪竇布衫偈云趙州無義漢雪竇老婆禪一川風雨後明月卻當天

齊乘

卷之六

二十七

周沆 字子真益都人累官至樞密直學士安撫使溫公銘其墓云光昔通判并州事公于河東銘曰古之君子德盛道尊望之儼然卽之也溫公正衣冠嚴不可干施之于政乃仁乃寬吏畏而俊民思弗諼款銘垂美以告後昆碑今在益都城南駝山下

異人徐問真 濰州人與歐陽文忠善一日求去甚力歐公畱之不可曰我友罪我與公卿遊公使人送之果有鐵冠丈夫長八尺餘俟于道周以瓢覆酒于掌中以飲提筇童子遣回不知所往童子徑發狂亦莫知所終嘗教歐公引氣愈其足疾東坡試之亦驗

于燾 字彭年壽光人博學能文頗喜言兵慶歷中元

吳數寇邊北虜乘釁聚兵求關南地丞相呂文靖公  
召彭年計之彭年云宜治西北行宮若將親征者以  
壓其謀乃以大名府爲北都二虜果請盟仁宗春秋  
高皇嗣未立登州峒嵎山數震彭年上疏曰峒嵎極  
東方殆東朝未建人心搖動之象宜早定儲以安天  
下齊宜爲節度逮英宗入繼乃由齊邸人以先識稱  
之

張蘊 淄川人咸平中契丹入寇淄川城壘不完刺史  
欲棄城奔南山蘊時爲郡兵馬監押按劍曰刺史若  
出吾當斬以徇卒完城後爲環州馬嶺鎮監押雖處  
窮塞猶建孔子祠刻石爲記范文正公書其碑陰以

齊乘

卷之六

二十八

美之其後子孫皆以文學才行登侍從云

呂頤浩 齊州人南渡丞相忠穆公

內翰綦密禮 高密人徒濰州北海故人稱北海先生  
密禮隨高宗南渡掌王言凡下詔旨讀者感動時議  
以爲中興之功非特將士宣力詔令亦有助焉如陸  
宣公之在奉天也見重如此以忤秦檜位不進

翰林侍讀

袁伯長云北海子孫見寓四明爲衣冠名族

辛幼安 濟南人宋名臣言行錄黜稼軒不取朱文公  
稱曰稼軒帥湖南賑濟榜祇用八字雖只麤法便見  
他有才況其忠英之氣見于辭翰者不一嘗言曰讎  
虜六十年後必滅虜滅而宋之憂方大其識如此宋

人既以儉荒遇之而不柄用中原又止以詞人目之

為可惜也故識之

宋實錄載幼安贊韓侂胄用兵侂

豪傑之士枕戈待旦有志于中原久矣宋人舉國聽

之豈無所成侂胄之敗正陳同父所謂真虎不用真

鼠枉用之所致以此議公可乎

金劉迎 東萊人太子司經有文集號山林長語章宗

詔國學刊行

周馳 濟南人在太學以策論魁天下貞祐濟南破不

肯降攜二孫赴井死

張行簡 莒州日照人詞賦第一人及第仕至翰林學

士承旨備于禮文之學典貢舉三十年門生遍天下

弟行中亦進士仕至叅知政事言虎賊必反抗權臣

齊乘

卷之六

二十九

高琪為士論所稱

右四人並見中州集

李國維 淄川人進士歷符離葉二縣令著清名蚤年

鄰家有窖銀者兵後無人國維掩而不發

見楊素菴事言補

楊宏道 字叔能淄川人金末補父廕不就與元遺山

劉京叔楊煥然輩皆以詩鳴大為趙閑閑諸公所稱

避亂走襄漢宋人辟為唐州司戶兼文學不久復棄

去晚寓益都嘗一見李瓊議不合為用事者所嫉浮

沉閭里以詩文自娛著小亨集事言補等書行于世

延祐三年贈文節

齊乘卷六

益都楊峒書巖校

齊乘卷六考證

太公

後漢志琅邪西海縣太公呂望所出有東呂鄉 按續

漢志無此文乃劉昭注引博物記耳

仲山甫

太公之後 按通志氏族略樊氏姬姓周太王之子虞仲支孫仲山甫為周宣王卿士食采于樊曰樊侯因邑命氏則仲山甫非齊人今于氏誤作太公之後豈以大雅烝民有王命徂齊之事因附會尚父苗裔邪當削去不載

鮑叔甯戚隰朋東郭牙弦寧王子成甫

齊乘考證

卷之六

一

新序曰管仲請于桓公以甯戚為田官隰朋為大行東郭牙為諫臣王子成甫為大司馬曰君欲治國強兵此五子足矣 按新序管仲曰決獄折中不誣無罪不殺無辜則臣不若弦寧請置以為大理諫臣下脫去弦寧為大理一句不符五子之數 韓非子作弦商說苑又作弦章 高柴

史記作鄭人 按史記仲尼弟子傳不言子羔何許人

集解引鄭康成曰衛人此云鄭人誤 隋書經籍志有鄭氏論語孔子

弟子目錄一卷

樊遲

史記齊人 鄭康成曰齊人誤作史記

步叔乘

史記齊人 亦鄭康成云后處下放此 廣韻作少叔乘

檀子盼子黔夫種首

威王臣四子見通鑑 按此見史記田齊世家而近引

通鑑非是

韓詩外傳亦載此事作齊宣王

香居

呂氏春秋作春居

王斗

皇甫士安高士傳齊隱士 按王斗見戰國策

王蠋

齊乘考證

卷之六

二

說苑作歎水經注同

顏蠋

戰國策作觸或作歎

無鹽女宿瘤女

按人物一門自宜稍加條別男女錯列殊覺非體

安期生

見蒯通傳 按蒯通傳作安其生

後千歲求我蓬萊山下 按列仙傳云後數年求我于

蓬萊山

漢四皓夏黃公

留侯世家注云云 按此見司馬貞索隱

伏生名勝

名勝二字當在圈下

墓在朝陽故城東五里 此據寰宇記鄒平志云伏生墓在縣東北十八里按水經注漯水又東北逕東朝陽縣故城南又東逕漢徵君伏生墓南又東逕鄒平縣故城北又東北逕東鄒城北是伏生墓在朝陽城東鄒平城西漢東朝陽故城在今章邱縣北而鄒平城元和志寰宇記諸書皆不言所在齊乘第四卷鄒平故城在今縣西南乃唐初置縣之地本寰宇記非漢縣城也今考鄒平縣志漢梁鄒城在縣北四十里孫家鎮接齊東縣界

濟南府志同

又濟南府志齊東縣東

齊乘考證

卷之六

三

南有梁鄒鄉漢梁鄒城地蓋卽鄒平之誤耳後魏書地形志東平原郡臨濟下有鄒平城建信今本誤作新城建信亦水經注漯水所逕廢縣在高苑故狄城西北五十里而東鄒在今青城縣界則鄒平城在齊東縣境無疑伏生墓酈注敘于鄒平故城西而今墓處其東南非古漯水所逕矣原其致誤之由蓋以伏生濟南人今墓西隋開皇中嘗置濟南縣因附會徵君邱壟不知其與水經注違異也當以寰宇記在朝陽城東五里者爲是

鄒長倩

遺公孫宏書 按此見西京雜記字句小異者倍緘而

爲紀倍紀而爲縵倍縵而爲褰本書無而字猗歟盛哉  
本書作猗嗟盛歟

次卿宏字漢書弗載 按史記公孫宏字季

公孫宏

菑川人路史淄州南四十里大辭山宏生處 史記平  
津侯傳公孫宏齊菑川國辭縣人也漢書刪去齊字  
云菑川辭人也今按地理志菑川國故齊文帝十八  
年別爲國縣三劇東安平樓鄉而辭縣自屬魯國中  
隔泰山濟南齊郡不與菑川接壤平津傳云宏少時  
爲辭獄吏又云菑川國復推上宏二者必有一誤儒  
林傳謂辭人公孫宏亦徵則宏實非菑川人矣

集解  
引徐

齊乘考證

卷之六

四

廣曰辭縣  
在菑川誤

戰國時辭爲齊地故汲黯以宏爲齊人而

漢初縣屬魯國故叔孫通辭人請徵魯諸生弟子共  
起朝儀也路史以淄州大辭山爲宏生處不知宋淄  
州所治之淄川縣隋開皇十八年改名隋志舊本漢  
般陽縣屬濟南郡與菑川國治劇縣者無涉而妄以  
大辭山附會平津之爲辭人豈非踵史漢之誤而轉  
益失之哉

于公

于公東海郟人圈下應增入四字

匡衡

御史大夫 衡官至丞相封樂安侯非終于御史大夫

者

王吉

貢禹為元帝言曰廄馬萬匹宮女數千園陵郡國廟皆當滅毀務遵儉約 按漢書貢禹傳載禹奏大略請減乘輿服御器物悉遣後宮及諸陵園女亡子者損廄馬廢苑囿及請寬口賦罷鑄錢省衛卒免奴婢禁近臣私販賣除犯法贖罪入穀補吏之法其指歸于儉約至欲罷郡國廟定漢宗廟迭毀之禮則韋元成傳明以為不應古禮宜正定非敢以省費議宗廟也此條與禹前奏混而一之又以滅毀為文豈當時所宜言乎

齊乘考證

卷之六

五

田何

以諸田徙杜 杜下漢書有陵字

儒林傳

琅邪人王橫 漢書作璜此從後漢書 按儒林傳所

載齊經師殊不止此于氏自云已載前論者不復出而漏略實多今為補之于左傳易者東武孫虞王同淄川楊何齊服生即墨成衡咸莒衡胡蘭陵母將永

東海白光殷嘉

齊乘有沂嶧二州漢東海郡治郯縣故稱郡人者亦當載入從于公定國

之例 傳書者濟南張生琅邪殷崇齊炔欽膠東庸生傳

詩者魯詩有蘭陵繆生齊詩有琅邪伏理韓詩有東

海髮福傳禮者郊后蒼傳公羊春秋者蘭陵褚大後

漢書儒林傳書有千乘歐陽歛

歐陽生和伯七世孫

臨濟牟長

濟南徐巡詩有平原高詡皆于氏所不載也

眭宏

孝昭徵其子孟爲郎 按漢書眭宏字孟孝宣帝卽位

徵孟子爲郎今于氏以孟爲其子之名又譌宣作昭

乖舛甚矣

逢萌

同郡徐房王君公 按後漢書逸民傳君公平原人

伏湛

仕至司徒 當作大司徒按續漢書百官志建武二十

七年去大湛爲大司徒在三年

齊乘考證

卷之六

六

王良

光武徵拜大司徒司直 按良本傳建武三年徵拜諫

議大夫六年代宣秉爲大司徒司直司直非初徵官

也又按良習小夏侯尚書見儒林傳干氏不言亦疎

衛宏

臨沂人 後漢書云東海人不言何縣

劉寵

姪劉繇漢末揚州刺史 按姪者對姑之稱不得施于

世叔父當改作弟子

侯史光

按光晉武帝時人當在劉毅任愷之次而雜入漢代非

是

趙彥

從孤虛 後漢書方術傳作從孤擊虛此脫去擊字

滕撫

涿令破東南羣盜者 按後漢書撫破羣盜時為九江都尉拜中郎將歷官終左馮翊今于氏但云為涿令何也

公沙穆

明經舉孝廉遷郾相 按後漢書方術傳穆舉孝廉以高第為主事遷繒相今不言為主事則遷字上無所承矣又按本傳穆官至遼東屬國都尉亦非終于繒

齊乘考證

卷之六

七

相也

郾兩漢書並作繒

牟融

融習大夏侯尚書見儒林傳

徐苗

按苗見晉書儒林傳不當次孫嵩後

王烈

亦北海人 按後漢書獨行傳烈太原人

王修

魏青州別駕 按三國志修為青州別駕乃袁氏所辟不當以魏繫之

諸葛瑾

孔明族弟 按子瑜武侯之兄而以爲弟誤甚又瑾之于亮非諸葛誕之比亦不得稱族也

滕允

吳都亭侯 按三國志允官至太常加衛將軍

伏滔

安邱人 按世說新語王中郎令伏元度習鑿齒論青楚人物劉孝標注引滔集載其論略曰滔以春秋時鮑叔管仲隰朋召忽輪扁甯戚麥邱人逢丑父晏嬰涓子戰國時公羊高孟子鄒衍田單荀卿鄒奭莒大夫田子方檀子魯連淳于髡盼子田光顏歆黔子於陵仲子王叔卽墨大夫前漢時伏徵君終軍東郭先

齊乘考證

卷之六

八

生叔孫通萬石君東方朔安期先生後漢時大司徒伏三老江革逢萌禽慶承幼子徐防薛方鄭康成周孟玉劉祖榮臨孝存侍其元矩孫賓碩劉仲謀劉公山王儀伯郎宗禰正平劉成國魏時管幼安邴根矩華子魚徐偉長任昭先伏高陽此皆青士有才德者也元度此文有關齊地人物故具載之以裨于氏之闕

石坦

王隱晉書 按隱書久亡于氏何從引之若見他書亦當言某書引也今晉書隱逸傳作石垣

秦王猛

孫鎮惡宋史有傳 當作宋書

憲北史有傳九子世號九龍子晞曰非不愛作熱官但思之爛熟耳亦名言也 按北史王憲傳憲孫雲有九子晞其一也于氏以曾孫爲子誤矣又按孝昭之篡晞實預謀此二語者寧足取乎

元魏賈思伯

益都人弟思同今壽光南有墓碑 按元魏益都縣治今壽光北王胡城後齊始移治東陽思同魏之益都人故壽光南有墓金石錄曰思同與其兄思伯後魏書皆有傳云青州當作齊郡益都人今其墓乃在壽光縣德夫蓋未達于此也

齊乘考證

卷之六

九

王宏

臨沂人 宋書隱逸傳作王宏之

王素

琅邪人 按素與王宏之竝琅邪臨沂人而于氏一書縣一書郡他類此者非一皆其體例之參差也

齊任昉

按昉歷仕齊梁不得專以齊目之

明僧紹

初隱勞山 齊書高逸傳作嶗山南史同

弟慶符以青州刺史罷任隨歸隱江東 齊書及南史

竝云隨歸住江乘攝山

孟喜

父孟卿 按孟卿父子西漢經師應次田何之後而雜入南北朝舛矣于氏紀人物既非論時世又不分郡縣故紛錯如此

臧榮緒

撰東西晉紀 當作晉書

伏曼容

密州人臨海武昌太守 按梁書儒林傳曼容平昌安邱人時無密州之名密州舊曰膠州隋開皇五年改名 又按本傳曼

容歷仕宋齊梁為南海武昌臨海三郡太守

張買奴

齊乘考證

卷之六

十

高齊太常博士 按後齊書及北史竝作太學博士

孫益德

魏孝文后特免之 按北史孝行傳云孝文文明太后以其幼而孝決又不逃罪特免之蓋孝文時祖母馮太后稱制也于氏妄省其文曰孝文后不可通矣

臧燾

兄子質 按質燾弟子

徐廣

東莞人 按廣兄子豁在宋書良吏傳姊子何承天東海郊人于氏皆失載齊乘人物一門遺漏甚多不可勝補姑舉一隅以證其疎云 劉穆之臧燾徐廣顏

延之四人皆在晉宋間而雜入隋代非是

任敬臣

五歲喪母哀毀天至問父曰何以報母 按新唐書孝友傳問父上有七歲二字不可刪蓋五歲兒纔知哀慕未必解圖報也

顏魯公

兄杲卿 按杲卿與魯公同五世祖但曰兄則無以別于同父者矣且人物例皆書名而諸葛武侯顏魯公之類忽稱爵諡亦一異也

王希夷

授朝散大夫 新唐書云拜國子博士

齊乘考證

卷之六

十一

高適

諫議大夫出刺蜀 按適官至西川節度使終刑部侍郎

石昂

節度使符習高其行召爲臨淄令入朝以公事謁監軍楊彥朗 按五代史記一行傳昂仕晉至宗正少卿又按本傳云習入朝京師監軍楊彥朗知畱後事昂以公事至府上謁蓋昂爲臨淄令有事當詣平盧節度而符習入朝楊以監軍爲畱後故至府謁彥朗也今于入朝上省一習字又不言彥朗知畱後事則是昂自入朝謁監軍于京師非事理矣

南唐韓熙載

青社人 按宋史南唐世家熙載濰州北海人唐末北海縣猶屬青州濰州宋乾德三年置而于氏文其名曰青社則

當時州縣皆無此稱以史法論之為失體矣宋史李之才傳

亦曰青社人非史例也

王曾

弟暉字子融直集賢院 按子融後因元昊反以字為名更字熙仲官至兵部侍郎

麻希夢

孫仲英退居臨淄七里別墅 按王聖涂澠水燕談錄仲英退居臨淄辨士里別墅刻本土或譌作七于氏

齊乘考證

卷之六

十二

遂云七里別墅誤矣

富韓公文潞公龐莊公相繼鎮青 按潞公未嘗鎮青

此因與富龐連文而誤燕談錄云富韓公文潞公皆嘗致書幣龐莊公出鎮遣其

子奉書召至府中禮之極厚薦其行義于朝

賈先

真宗賜名同改字希德 按宋史儒林傳賈同初名罔字公疎真宗命改今名是同未嘗名先于氏蓋因燕談錄稱臨淄賈先生疎未及卒讀遽以先為同初名耳前輩言隆萬閒人讀書不看首尾殆如此類希德宋史作希得

劉孟節

按澠水燕談錄孟節名槩干氏不著其名非是

姜遵

淄川人 按宋史遵淄州長山人川蓋州字之誤遵酷吏嘗毀漢唐碑營浮屠此第一殺風景事其人無足取也

天聖七年拜樞密副使 按宰輔表在天聖六年三月

李常

字公擇登州人 宋史李公擇南康建昌人卽蘇子瞻爲作李氏山房藏書記者非登州人而于氏謂與富公客李常爲一人按蘇集遺直坊詩有云歲月曾幾何客主皆九原是當時李常已亡而子瞻自常州赴

齊乘考證

卷之六

十三

登過廣陵公擇送之竹西亭下則其非一人審矣查慎行曰同時有兩李常一字公擇建昌人一則登州人歐陽公集有讀張李二生文贈石先生詩云先生三十年居魯能使魯人皆好學其間張續與李常剖琢珉石得天璞則李常不獨爲富公客亦徂徠之高弟也今按登州人不得稱魯歐公或槩言之否則又一李常亦不可知

于燾

壽光人 按燕談錄燾以富弼丁度薦爲武學教授故

呂相召與計事今于氏不言爲何官非是

燾官至太子中舍人

逮英宗入繼乃由齊邸人以先識稱之 按燕談錄齊

邸下云遂爲興德軍此見齊爲節度之言驗也不當刪去

張蘊

淄川人 按宋史張揆傳齊州歷城人父蘊咸平初監淄州兵揆兄揆傳云其先范陽人後徙齊州是蘊歷城人官于淄州于氏以爲淄川人誤

其後子孫皆以文學才行登侍從云 按燕談錄云其子揆揆以文學才行有名于世皆登侍從蓋貫之兄弟竝爲龍圖閣直學士也 揆字貫之 揆字文裕 今沒其二子之名而泛言其後子孫則未聞蘊孫有登侍從者于氏引書刪改失當多類此

齊乘考證

卷之六

慕容禮

以忤秦檜位不進 按密禮以草秦檜罷相詞爲所憾及檜再相密禮已卒于台州此云忤檜故位不進未得其實

張行簡

弟行中 按金史張行信先名行忠避莊獻太子諱改焉 莊獻太子名守 忠 宣宗長子 今作中或傳寫之誤

楊宏道

延祐三年贈文節 贈當作諡

附釋音考證

釋音多遺漏不可勝補今但舉正其誤

卷一

莞古桓切又胡官切草可作席 按沿革下言晉東莞郡屬徐州當云古桓切漢有東莞縣晉爲郡乃泛訓作草殊可笑也

突突去聲 按黃山下言渴馬崖水伏流爲趵突泉止存突字云他骨切足矣不必旁徵義訓兼載古文也 又按陸氏經典釋文先後悉順本書次第便于檢尋而齊乘釋音率多倒亂失序爲不可解

### 卷二

妨音崩 妨在庚部崩在登部不得借音當作補盲切 涑速搜二音 水名止應音速又按涑有先侯切之音而搜音以所鳩切爲正亦恐混入正齒

### 齊乘考證

### 卷之六

十五

### 卷三

商音滴今作商 按商河隋唐書皆从水作滴音義與商同刻本或誤作滴小于遂讀商爲滴謬矣 菡音挑 按菡與條通當音徒聊切

盼音分 按高唐縣下言齊威王使盼子所治盼音匹 覓切其字从目今小于改从日音分則史記本無作盼者且與第六卷盼子之音自相矛盾矣

卷六盼从目匹諫切

圮音披上聲 當作部鄙切

### 卷四

斟灌斟姓灌名 按杜解左傳斟灌斟尋二國夏同姓諸侯則二斟皆姒姓國此云斟姓灌名非是

羿音義 當音詣

鄩音進 釋文子斯反集韻乃有晉音

虺音毀 當音卉

幘音弦萊州布名 按說文幘布出東萊漢志東萊有

幘縣或縣以布得名或布以地著號皆不可知而齊

乘之載幘城則于布名無涉也當改云東萊縣名

唁音硯 硯四等字當音彥乃同居三等

斲音酌 當作側略切酌三等字斲二等也

胙音助 當音祚

蓋音闔 當音閤

盾音遁 當作徒損切遁字亦有上聲而以去聲爲正

齊乘考證

卷之六

十六

恐滋疑混

卷五

毅音義 當作魚既切

隳音輝 當作許規切

襴音宜上聲 當作泥上聲

逢音龐 當作逢逢俗別字不見說文

湫音啾 按湫隘之湫當音勦

仆音付 當音赴敷位字音付則入非位下矣

徼音邀 當作古堯切音叫平聲

羸音古力 力當作歷

跼都牒切 當作他協切訓爲墮落者乃音都牒切

卷六

詛音與咀同 當作莊助切

怵音出 當音黜

穰音常 當作汝陽切讓平聲音常大謬

嗇音塞 當音色

倩七性切 當作倉甸切

芻音樞 當作窗隅切樞三等字不得借音

裒音褒 裒褒字之譌褒卽褒之俗別字也當改正

弘音與宏同 按字書無弘字今于王導下已改作宏

矚音祝 當音燭

墅音聚 當音署上聲

齊乘考證

卷之六

十七

釋音

男 潛 述

卷一

沿緣音 譽酷音 析錫音 括古活切 薊夏實側切 峴胡典切

齊乘釋音

貌 太 矣 說文不順忽出也 內也 或从到云突如其來易

書 突 字 也 今 俗 疾 使 去 聲 駛 疾 也

卷二

龍 且 羽 將 余 也 切 項 澁 甸 音 而 音 澧 水 胡 卦 切 禪 聲 去 黔 陬 鄒 音 鉗

洱 米 音 直 固 沽 當 作 匯 瀨 平 聲 妨 崩 音 涑 二 速 音 搜 圮 橋 音 也 移 承 澄 音

聲 又 去 般 盤 音 樂 粕 音 弇 掩 音 荏 仕 之 殺 聲 去

卷三

嶷 兒 岳 有 為 知 也 小 井 聲 去 杼 佇 音 颿 同 與 帆 鄆 運 音 員 運 音 侑 宙 音 睿 銳 音

費 祕 音 嶧 亦 音 鄆 切 慈 陵 僑 橋 音 鬲 隔 音 邗 倪 音 蕤 切 儒 錐 浞 切 仕 角 稟

傲 音 瞳 吐 管 輓 晚 音 嶠 愚 音 食 其 人 音 異 基 商 作 音 滴 今 菴 縣 音 挑

所 周 封 亞 夫 潔 踏 音 印 昂 音 盼 分 音 瑗 院 音 圮 聲 音 壞 披 也 漚 切 於 候 蒼 詩 音

卷四

元文文元 鬢人音 駢音 便音 爽音 慎到 慎到 環淵

環淵 鬢音 駢音 便音 爽音 慎到 慎到 環淵

鬢音 駢音 便音 爽音 慎到 慎到 環淵

駢音 便音 爽音 慎到 慎到 環淵

便音 爽音 慎到 慎到 環淵

爽音 慎到 慎到 環淵

卷五

楷木口 搏博音 獮眉音 禰上音 叵頗音 蒯切 說稅音 噉腠音 嵩聲使犬

搏博音 獮眉音 禰上音 叵頗音 蒯切 說稅音 噉腠音 嵩聲使犬

獮眉音 禰上音 叵頗音 蒯切 說稅音 噉腠音 嵩聲使犬

禰上音 叵頗音 蒯切 說稅音 噉腠音 嵩聲使犬

叵頗音 蒯切 說稅音 噉腠音 嵩聲使犬

蒯切 說稅音 噉腠音 嵩聲使犬

說稅音 噉腠音 嵩聲使犬

卷六

忤同與 聃切他 珥耳音 攷考音 漬恣音 跣都音 躡舞所 輻福音 湊切千 賈古音 閻凱音 仆付音 徼邀音 狙千音 殺力音 烏昔音 夸誇音 雋克音

閻凱音 仆付音 徼邀音 狙千音 殺力音 烏昔音 夸誇音 雋克音

仆付音 徼邀音 狙千音 殺力音 烏昔音 夸誇音 雋克音

徼邀音 狙千音 殺力音 烏昔音 夸誇音 雋克音

狙千音 殺力音 烏昔音 夸誇音 雋克音

殺力音 烏昔音 夸誇音 雋克音

烏昔音 夸誇音 雋克音

夸誇音 雋克音

雋克音

舍聲上 捰渠音 駘緩音 儉檜音 哀褒音 絞上音 假假音 夔鼠音 抔切蒲 褒切博 曇潭音 墅祝音

舍聲上 捰渠音 駘緩音 儉檜音 哀褒音 絞上音 假假音 夔鼠音 抔切蒲 褒切博 曇潭音 墅祝音

聚音 贅音 綴音 种音 蟲音 讞音 上音 言聲 當音 去聲 諼音 萱音 綦音 崇音 其音 儉音 鉏切 庚音 琪

後序

冶音 野音 調音 去聲 搏音 上音 尊聲 奉音 同 與音 俸音 稟音 同 與音 廩音 鏤音 漏音

齊乘釋音



三

昔我先人爲國子助教每謂潛曰吾日與諸生講習  
所業暇則又與翰苑諸名公唱和詩章詩乃陶冶性  
情而已若夫有關於當世有益于後人者宜著述以  
彰顯焉吾生長于齊齊之山川分野城邑地土之宜  
人物之秀此疆彼界不可不纂而紀之也迨任中書  
兵部侍郎奉命山東于是周覽原隰詢諸鄉老考之  
水經地記歷代沿革門分類別爲書凡六卷名之曰  
齊乘藏于家屬潛曰吾或身先朝露汝其刻之先人  
既卒常切切在念第以選調南臺又入西廣匆匆未  
遑遂志茲幸居官兩浙始克搏節奉稟命工鏤板以  
廣其傳以光先德叅政伯修先生已詳序于前矣有

齊乘跋尾

一

仕于齊者願一覽焉至正十一年辛卯秋七月奉訓  
大夫兩浙都轉運鹽使司副使男潛泣血謹識

先君子自早歲研究史書尤留意于志表凡職官氏族地理之學靡不該貫知益都十年嘗歎縣志疎陋未遑改修閒語同志以爲齊之地記自伏琛晏謨而下傳者蓋寡于思容齊乘六卷多采用太平寰宇記雖有譌脫差爲近古適欲校授梓人而桂林胡公移守登州議以克合乃取舊刻共加讎勘別爲考證附于每卷之後草創未就而先君子疾革以屬門下士楊君書巖<sub>峒</sub>參訂卒業胡公寓書商確往復踰時而後成公旣序其首簡矣<sub>慶承</sub>謹述先君子遺指綴于卷末且以志公之表章往籍成人之美古誼爲可感也乾隆辛丑暮秋棘人周

慶承泣書

齊乘跋尾